

OMUKWETU

Registered at the General Post Office as a Newspaper

15c

ONGALA YALUTHER

Luther mombilive ye ndjoka a nyolele kuume ke Sprengler, ngoka a li o-mukwanepaNGELO gwonkatu yopombanda moshilando shedhina Nürberg muNdowi - shilanda, okwa totha mo, nawa oshikalimo nomungunda gwongala ndjika ye. Mefatululo lyongala ndjika otamu adhika uuteolohi (elongo lyopaukalunga) lya dhenga mbanda.



Okafano haka oko endhindhiliko lya totwa komuyelithi gweitaalo dr. Martin Luther nohaka ithanwa ongala (roos) yaLuther.

Martin Luther ongala ndjika ote yi fatulula ngeyi: "Oshinima shotangota-ngo shoka omuntu to koneke mendhindhiliko ndika, osho omushigakano omuluudhe gu li pokatiitii komutima. Otagu tu dhimbulutha kutya eitaalo lyomuJesus Kristus, omwaalelwa komushigakano, olyo omweelo gwehupitho lyetu. Oshoka okwiitaala nomwenyo aguhe otaku tu ningi aayuuki koshipala shaKalunga (Rom.10:10).

Nonando omushigakano ogu li po omuluudhe, ngeyi tagu holola endhindhiliko lyeso nolyuuwehame, itashi lundulula olupe lwomutima nenge shi piyaganeke eshito, sho ishewe itashi dhi paga, ihe otashi kwatelele mo omwenyo. "Omuntu ngoka a ningi omuyuuki koshipala shaKalunga ota kala e na omwenyo molweitaalo lyomuJesus Kristus, Omukulili" (Rom.1:17).

Pokatilela komutima omu na ongala ontokele tayi ulike kutya eitaalo otali eta enyanyu, etalaleko nombili. Ongala ndjika ontokele, kayi shi ontiligane, oshoka olwaala olutokele olwo olwaala lwolela lwaayengeli ayehe nolwoombepo adhihe dha yambekwa. Ishewe ongala ndjika oyi li pehala embulau lya fa egulu, okuulika kutya enyanyu lyeitaalo lya tya ngaaka olyopambepo kombinga yimwe olyo wo endhindhiliko lyolela

Tala ke pandja eti **5**

93.

Pwa leshwa ombilive tayi popi oshigonggi shaasita ya VELKSWA moka mwa indilwa ELOK a tume aasita 35 koshigongi shoka. Epangelongeleka lya utha miitayingeleka ya ELOK mu ze aasita ngaashi tashi landula:

- Oshitayi shaKavango aasita 4 mwa gwedhwa omutonateli.
- Oshitayi shaNdonga aasita 9 nomutonateli omutimulongo.
- Oshitayi shUukwanyama aasita 9 nomutonateli omutimulongo.
- Oshitayi shUuninginino aasita 9 nomutonateli omutimulongo.

Aatonateli otaa indilwa ya tume omadhina gaasita miitayingeleka yawo mboka taa ka ya koshigongi shika kombelewangeleka muMai 1981.

Omutonateli ngele oku na omaimbo peha lye na tule po.

Oshigongi otashi ka kala koPaulinum/Otjimbingwe pokati kaJuni naJuli 1981.

117.

Epangelongeleka lya utha ku ningwe okursusa yoomwedhi 2 dha topoka yaauvithi, yaamboka taa dheulwa opo ya kale aaauvithi momagongalo, momalongelokalunga nenge momikunda. Omusita Tomas Shivute a pewa oshimpwiyu a hiye omagongalo ngoka ge na ompumbwe yaauvithi, opo ye mwene naasita naalongi mboka ye li mOngwediva mOshikandjo shEputudho lyOpakriste ya longekidhe ethimbo ndyoka tali opalele naalongi wo mboka taa tumwa komagongalo gawo. Oshimpungu shEputudho lyOpakriste mOngwediva, ngaashi wo kEngela shi gandje iimaliwa tayi kwatha mo-kursusa ndjika. Epangelongeleka otali indile wo aalongekidhi ya dhimbulukwe aalongi , opo okursusa yimwe yi kale pethimbo lyefudho lyosikola.

119.

Epangelongeleka olya kundathana oshinima shefudho lyomunashilonga konima yokumona okanona nolya koleke eutho ndika kutya:-

Omunashilonga omukulukadhi miilonga yongeleka ya ELOK okwa zimininwa efudho lyomwedhi gumwe komumvo nomwedhi nguka otagu futwa, ngaashika aanashilonga ooyakwawo. Ihe uuna ta yi mefudho lyokumona okanona, ota pewa oomwedhi ndatu , ndhoka tadhi talwa okusiloshimpwiyu okanona.

Paindilo lyomuntu mwene ota vulu okugwedhelwa natango oomwedhi hamano uuna u uvite a pumbwa efudho ele ngaaka.Omunashilonga nguka ota indilwa , opo a ninge eindilo lye kuyelee, opo Epangelongeleka li tale oshilonga, kutya otashi yakulwa ngiini.Melala ndika lyoomwedhi ndatu nenge dhi vule po, nena omunashilonga ngoka ita pewa ondjambi.



KRISTUS A YUMU- KA Mark.16:1-7

Pamukalo gwAarooma omidhi-
mba dhaantu mboka ya ale-
lwa komishigakano ihadhi
fumvikwa nande. Ohadhi
kuthwa ko ashike komi-
shigakano e tadhi eke-
lwahi pevi pehala mpoka
dhi ninge oondya dhoo-
mbwa nodhoondhila dhoke-
gulu. Ihe Kalunga okwa
li a longekidha Josef
Omwaramatia, oshilyo
shOshigongi shaAkuluntu
yAayuda, a fumvike omu-
dhimba gwaJesus. Nando oo-
nakwaalelwa yalwe ohaa ni-
ngi omasiku ye endjelela
komishigakano inaa sa, Jesus
okwa si konima yootundi
hamano adhike okuza mpoka
sho a alelwa . Osho shoka sha li sha kumitha Pilatus sho Josef e ya o-
kwiindila omudhimba gwaJesus kuye. Pilatus okwa li a kumwa sho Jesus
a si mbala ngaaka.



Jesus okwa si mEtitano potundi ontintatu yokomatango. Molwashoka esiku
lya landula olya Etihamano, esabati, ano Osoondaha yAayuuda, ndjoka ha-
yi tameke potundi ontihamano komatango gEtitano, omudhimba gwaJesus
ogwa li gu na okukuthwa ko komushigakano manga esabati o inaali tameka
iilonga yi pate. Onkee, Josef okwa li a shili e na okweendelela. Kapwa
li pu na ompito ookuume kaJesus ye mu yakule eyakulo lyahugunina.

Esabaati olye ya imbi oku shi ninga. Aakiintu mboka ya li ya hala oku-
gwayeka omudhimba gwaJesus omigwayo dhezimba lya nika nawa, nayo wo
oya nyengwa oku shi ninga omolwesabati. Onkee oya li ashike ye na oku-
meneka ongula onene yesiku lya landula esabati, ye ke shi ninge kombi-
la. Mondjila yawo okuya kombila, oye ende taa ipula naangoka te ke ya
kandulilapo emanya posheelo shombila. Ihe oshikumitha oshinene osha
ningwa.

Kristus a yumuka

Mokuthika kwawo pombila oya adha emanya lya kandulwa po nale. Meni lyombila oya adha mo omutumwa gwOmuwa ngoka e ya lombwele onkundana onkumithi noyenyanyu kutya Jesus okwa yumuka kuusi; ke mo mombila, oku na omwenyo. "Esc lya sindwa; olya yonwa po sheke. So, ngoye, esindano lyoye oli li peni? So ngoye, oonkondo dhoye dhokweehameka odhi li peni?"

Omahokololo gaayevaangeli ayehe yane nando inaga faathana thilu oshitya noshitya, ayehe oya tsa kumwe thilu kutya JESUS OKWA YUMUKA SHILI. Shoshene ando Jesus okwa li inaa yumuka shili, ando inatu uva ko sha kombinga ye. Nokuli ando kaku na ongeleka onkwakriste muuyuni. Aakiintu mbaka oya li ye ya ashike okugandja eyakulo lyawo la lyahugunina kolutu lwa sa, komudhimba gowala.

Ishewe aalongwa oya li yu uvite shili kutya aihe oya kana, kaye na po we sha. Endhindhiliko nuunzapo uunene mboka tau shilipaleke eyumuko lyaJesus kuusi, olyo okukalapo kongeleka muuyuni mbuka. Kapwa li we sha shilwe shoka sha li tashi vulu okulundulula onkalo yoluhodhi noyokwaanetegameno yaalongwa yaJesus, aalumentu naakiintu, yi lundulukile monkalo yenyanyu kaali shi ku tumbulwa, onkalo yomukumo noyuulaadhi uunene itau sholola nande mokuhokolola oshikumithalanga shika shaKalunga. Eyumuko lyoshili lyaJesus Kristus, olyo alikelike lye shi vulikitha. Pwaa na eyumuko, omushigakano ando ogwa kala uudhigu noluhodhi olunene lwaa na ehulilo.

Eyumuko lyaJesus kuusi, ehokololo lyombila yi li owala nolutu lweadhimo ndoka Jesus a li e na konima yeyumuko, ayihe mbika oyo ezimino lyaKalunga ta zimine, "A M E N" koshilongakulilo shaJesus. Mokuyumu-dha Jesus kuusi, Kalunga okwa koleke kutya Jesus Oye Omwana shili. Eyumuko lyaJesus olya galulile aalongwa ye eitaalo lyawo okwiitaala Jesus nokwiitaala kutya Kalunga Oye omwaanawa noye ta pangele uuyuni. Eeno shili, Kalunga okwa longo iikumitha muKristus, meso nomeyumuko lye.

KEEMO OKWA YUMUKA

KEEMO OKWA YUMUKA

TALENI EHA MPO A LALELE

HALLELUYA

M. I. AMADHILA

ILA KO EIMBILO NOMBIMBELI YOYE KOSHINYANYANGIDHO, OGA PWA OKWOOPALEKWA NAWA!
NGELE INO GA ITO KO SIGU EHULILU LYAMAI OTAGA FANDITHWA PO KUMBO YE GA HALA.
ETSEYITHO NDIKA OLYA HOLOKELE NALE MOMUKWETU GWETI 30 MAALITSA 1981.

Nhinda moshipundi shetulumuko

Mefiku eti 9 laNovomba 1980, ovalihongi vOmoseminali yaNgwediva, ova li noshivilo shinene shokulekela tatekulu Ismael Nhinda eshi ta i moshipundi shetulumuko. Nonande va li ve na omahamblelo, opa li yo okaumbada kutya pamwe olukateko ola dja nee ngoo ongo di eshi omukulupe ou ta fiye po Ongwediva . Osheshi ova li va i kilila okukelelwa omhepo "kembale eli linene la kala mOngwediva oule weedula omugoyi".

ONGENO IHAYI YADA OKAANDA

Tatekulu Nhinda okwa li ta tangwa nomaimbilo nokwa halelwa yo omapuniko e he na ongaba."Ongeno ihai yada okaanda"; ngeno tatekulu ota alulilwa ounyasha waye, opa dule vali okukala mokati ketu, nande oudula ngoo vavali," osho vamwe vomovalihongi ve li popila.

Ongudu ei inene yovalihongi oya li ya fikamenwa kepulo linene: "Mbela ELOK ote tu monene tuu vali omufita umwe omunambili, omupukululi, omunandjangu, nomupethimbo ngaashi tatekulu Nhinda?" Pakutala kwange epulo eli ola nyamukulwa nale nokuli pehovelolo mudo 1981, eshi ponhele yaye pa ya omufita Metusalem Shilongo.

EDINA LOSHIVILO

Oshivilo osha li sha pewa edina la kufwa mOmayel.16:31; tali ti: "Eenghwakutoka dokomutwe odo oshishani shefimano". Omufita Apollos Kaulinge oo va kala pamwe na Nhinda meyakulo lovalihongi, okwa

holola kutya Nhinda okwa kala moi-longa omido 38. Eendjovo da dja mu-Titus 1:2; nomu Fil.4:13; okwe di pewa di ninge onghuta yaye yomopen djela.

OSHIPUNDI NOMUDJALO

Oshipundi ine shi pewa ashike pakanya , ndele okwa pewa oipundi ivali oshali. Oshipundi shimwe oshaye shokukala omutumba nokutulumukwa, shikwa-o oshokukala ovatalelipo vaye aveshe. Okwa pewa yo vali ondjafa itoka, tai holola efindano. Oku niwe eteelelo nehalelo tatekulu Nhinda a kale omufindani fiyo omefiku laxuuninwa.

OSHITEVO SHOSHIVILO

Tatekulu Nhinda okwa totelwa po yo oshitevo tashi hokolola onghalamwe-nyo yaye, komufita A.Kaulinge.Fya oshisho u limonene oshifo shOmukwetu shonomola 9, osheshi omo tamu ka holoka oshitevo eshi, shamha tuu tamu monika onhele. Nandi ku vakeleko, kutya mokulileshela oshitevo eshi, oto ka uda shihapu kombinga yatatekulu Nhinda.

CNGALA YALUTHER

Dha za kep. 1

netameko lyenyanyu lyomegulu, ndyoka tali ke ya no inali hololwa nantango lya gwana po.

Olwaala ndoka olumbulau olwa kundukwa komugoyo gwoshingoli tagu holola kutya elago lya tya ngaaka lyomegulu kali na ehulilo noli na ondilo onene li vule omanyanyu normaliko agehe, molwaasho oshingoli osho oshiwana noshi na ondilo.

Oho galikanene tuu SCM?

Ehangano ndika olya tameka kuumbugantu waAfrika(1896), muSouth Africa. Kuumbugantu waNamibia olye ya ko 1968.

Ehangano ndika otali longo shomungunda moosikola dhopombanda, mooseminali nomoouniveesiti. Ehangano ndika ihali tala edhina lyoongeleka, ihe oli na ashike nokokeka nawa ukriste maailongi, manga ye li mosikola. Ohali shi ningi pakulongela kumwe noongeleka naakwatelikomeho melongo. Ehangano ndika otali dhenge omuthindo meputuko lyiihwapo; lyopambepo, palutu, pandunge nopankalathano.

Ehangano ndika otali ningi aailongi oonzapo dheitaalo. Otaa ningwa wo oonzapo dhaKristus momagumbo moongeleka nomiilongo yopuushiinda. Ehangano ndika, SCM, olya pondola oshindji pomumvo 1970 sigo onena. Aagundjuka otaa imbi notaa hokolola Jesus montaneho. Otaa holola wo ohole yuumwayinathana. Nonando omaunyengwi opoge li, oyendji oya gandja iiholelwa iiwanawa koshigwana.

Ehangano ndika olya mono wo mbala omidhi mooskola dhopombanda, ndhoka opo dha totwa. Opwa kala ngaa omaudhigu mpaka naampeyaka momagongalo, moka ehanganano ndika inaali tseyika. Ngashingeyi omaudhigu goludhi nduka oga hwepopala notaku monika eyokomeho ewanawa momagongalo ogendji. Iilyo yehanganano ndika oyi ilongekidha okulonga oshindji muNamibia alihe, ihe uudhigu

wopethimbo ndika olwindji otau ya kwata moshipala. Nonando ope li ngeyi omagalikano nomagalikaneno, otaga kwatha.

Kiilyo yehanganano ndika, SCM, inatu kanitheni omukumo miilonga yetu. Tse aalongi, ihe KRISTUS OYE EKANKAMENO NOMUTSE GWEHANGANO lyetu.

Jonas Mweutota



Mefano muka otamu monika Ombimbeli, omushigakano, oonyothi heyalinoshishani, olyo endhindhiliko lyehanganano ndika. Okatumbulo hoka ka nyolwa ko mOshiingilisa otaka ti:- "NINGA JESUS OMUKWANIILWA"

O U N O N A N O U D A N O

Ounona, oshiwa unene eshi hamu danauka, osheshi oudano otau eta ehafonotau talaleke omutima. Ashike konekeni yo kutya okudulika kovalukulun. hu nokuya komambo Osoondaxakeshe, otashi mu etele omanangeko noupuna. taa di pombada kuKalunganga Omushiti wetu.

EPANGELO LYANAMIBIA OLYA THIKAMA MIITOPOLWAPANGELO IHEYALI

Oshipopiwa shika osha kuthwa mOMUKUNI, APILILI 1981.No.4 ngaashi shi li

1. Epangelo lya South Africa (South Africa Government).

Namibia oku li okoloni (oshitembukilwalongo) ya South Africa ngoka ta kondolola (pangele) Namibia alihe nande a tula po iikandjopangelo mbika iheyali tayi pangele meni yoshilongo shika peha lye.

Iikandjopangelo tayi landula mpaka ohayi pangelwa okuza ku South Africa:

- a) Aakwita (Defence Force).
- b) Ooposa nomakwakanitho gomombepo (Post and Telecommunication)
- c) Omalutenda (Railways)
- d) Ombelewa yompangulilo yopombanda (Supreme Court)
- e) Oombeleva dhiimaliwa (Finance)
- f) Oonkundathano dhopondje yoshilongo (International negotiations)

g) Iinima yopondje yoshilongo (Foreign affairs)

Iikandjo ayihe mbika iheyali oyi li momake ga South Africa mwene.

2. Ngolonneyandjayi (Administrator General: A.G.)

Ngolonneyandjayi, omukalelipo gwepangelo lya South Africa mu Namibia, iilonga ye okutala ngele ooveta otadhi ende nawa mu Namibia nongele otadhi ningwa tuu pahalo lyepangelo lyawo South Africa. Oku na wo oonkondo dhokutinda ooveeta dhoka inadhi opalela nenge inadhi pandika kepangelo lye lya South Africa. Ooveta adhihe tadhi ningilwa Namibia odhi na tango okukonakonwa, okukolekwa noku pitila momake ga Ngolonneyandjayi.

3. Oraata yOoministeli (Council of Ministers):

Oraata ndjika yOoministeli oya hogololwa miilyo yOmutumba gwopashigwana. Oshilonga shawo shotango okutseya nawa kutya omihoko adhihe omulongo nagumwe dha Namibia odhi na mo omukalelipo. Oraata ndjika oya thikama momunashipundi niilyo omulongo nashimwe nomokati kawo kamu na nande oministeli yimwe yi na oshikandjo - mOshingilisa ohaku ti: "A minister without portfolio".

4. Omutumba gwopashigwana (National Assembly):

Omutumba gwopashigwana ogwa thikama miilyo omilongo ntano (50) mbyoka ya hogololelwe mu Desemba 1979. Ihe tse katu shi ngele oshili. oshoka tse aathigona ka twa li po pehogololo lyawo ndjoka.

Pethimbo ndiyaka opwa li pwa thigwa omahala (upundi) omulongo nagatano ngoka ga dhiiladhililwa oongundu dhoka kadha li mehogololo lya Desemba 1978. Ndele sigo onena iipundi mbika opo yi li natango inayi lalwa po. Omutumba nguka gwopashigwana ogu na oonkondo dhokuninga (okutota) ooveta, ndele odhi na tango okupitikwa nenge okukolekwa kOraata yOoministeli, oyo ishewe dhi falwe ku Ngolonneyandjayi dho dhi wape nduno okutaambwa nokupitithwa dhi ye koshigwana ongooveta.

5. Ooyene yomikunda (yiilando) mboka haya ithanwa oomunisipaliteiti (Local governments):

Ooveta dhiikandjo mbika inadhi totwa po natango komutumba gwopashigwana. Ihe mu Namibia oshiholelwa shooveta dhika otatu shi mono mOvenduka. Omutumba gwokuningila Ovenduka ooveta ogwa thikama ike maatiligane ngashingeyi. Osho ano munisipaliteiti gwaVenduka oye ha kondolola nenge ha pangele Ovenduka ayihe.

Omutumba gwaMuni gwaVenduka ngoka hagu ithanwa *Windhoek or White Advisory Board* (Oraata ogandjimayela yaAatiligane yaVenduka), ohagu kwathelwa komutumba gwOombaatiili gwaKhomasdal (*Khomasdal Advisory Board*) pamwe nomutumba gwaAaluudhe gwaKatutura (*Katutura Advisory Board*). Ooveta oompe dhOomunisipaliteiti yiilando nge dha totwa po, otandi ke dhi mu tseyithila moshifonkundana osho tuu shika.

5. Elelokalelipo (Representative Authority):

Elelokalelipo ndika olilile po ike okulundulula ooveta dhi dha kala nale momavigumbo (homelands nenge Bantustans) nokutya iitopolwa mbyoka yi iyoololelwa pamihoko ya li mu Namibia. Komunandunge nokomukonakoni ngele to tala noku konakona nawa oshinima shika, kape na natango elunduluko lyasha.

Momumvo 1964 omusamane F. Odendaal okwa ulikwa kepangelo lya South Africa ongakomufala gwokutala nokukonakona iiningwanima yaAaluudhe mu Namibia. Okwa toto po ooveta kutya kehe omuhoko mu Namibia nagu mone ondiipangela yagwo nogu pewe uuthemba wokutota po ooveta dhagwo yene noku dhi pititha. Ooveta ya Odendaal oya ithanwa "Act 1968 SWA".

Okuza mpoka omavigumbo ga landala mpaka oga holoka mu Namibia:

1. Owambo
2. Kavango
3. Kapriviuuzilo (East Caprivi)
4. Olaiyoti evi lyOombaatiili (Rehoboth).

Ooraata dhiitopolwa tayi landula odha holoka wo:

- a) Evi lyAayeleele (Bushmanland)
- b) Evi lyAanama (Namaland)

Elelokalelipo olya taambwa wo mEvi lyAdamara (Damaraland) noraata yOombaatiili oya totwa po wo mOlaiyoti, omanga *Aatiligane* ya kalelwa po koshigongi oshitotiveta (The Legislative Assembly). Paife omavigumbo oga hula po noga pingwenwa po kelekalelipo ndjoka lya hangana nomihoko adhihe nohali ithanwa mOshingilisa "Representative Authority".

Kombinga yimwe Aatiligane mu Namibia oya hangana ongomuhoko gumwe moka mwa kwathelwa Ombulu, Omundowishi, Omuputu, Omwiingilisa n.sh.t. Omihoko

adhihe dhika dhaatiligane odha talwa ko nena ongomuhoko gumwe aguke ngaashi hashi popiwa kOmwiingilisa ta ti: "They are regarded as a single ethnic group".

Omanga kombinga onkwawo Aaluudhe twa topolwa momihoko omulongo. Shigwana sha Namibia, Aatiligane oye tu shi twa pata. Shika osha yela mo nawa, oshoka noofuuto nomahala gawo otage shi koleke wo ngaashi tashi landula mpaka mOraata yOoministeli:

- 1) *Omusane Dirk Mudge*, omunashipundi gwOraata yOoministeli oha mono ondjambi yokandumba koOranda 32 000 (R32 000) komumvo.
- 2) Omunashipundi gwelelokalelipo lyaatiligane, omusamane *A. H. du Plessis* oha mono ooRanda 22 504 komumvo.
- 3) Omunashipundi gworaatampitithi yOombaatiili, *D. Besuidenhout*, oha mono ooRanda 18 000 komumvo.
- 4) Omunashipundi gwokomitiye yOoministeli oha mono ooRanda 26 000 komumvo. omanga oministeli kehe hayi mono ooRanda 22 000 komumvo.

Elelokalelipo oli li po a li pangele pamukalo gwomavigumbo, hapaumwe nopaushimwe woshilongo ashike washo. Shika Omwiingilisa okwe shi popi ta ti: "It rules on ethnic rather than geographical jurisdiction". Tashi ti shaa oshilyo melelokalelipo otashi longo ashike shi li koho yooveta dhuukwamihoko ngaashi shi li shoshene.

Natu gandje ano ihe uyelele wa gwara kutya, elelokalelipo lyAawambo mepangelo lyopokati otali longele ashike Aawambo, kashi na nduno ihe ombudhi kutya Omuwambo mu Namibia okwa valelwa peni mOwambo nenge mUushimba, ihe oshaa owala Omuwambo. Aanama, Aakavango, Aaherero, Aashawana, Aadamara n.sh.t. omalelokalelipo gawo osho tuu taga longo ngaaka pamihoko dhawo Elelokalelipo otali ka kala li na oonkondo dhokutota ooveta noku dhi pititha (*Legislative and Executive Powers*).

Ooveta dhoka tadhi ka ningwa kelekalelipo otadhi ka ithanwa "ooveta dhopampumbwe" (Ordinances). Otashi ti kape na natango elunduluko lyasha kombinga yomavigumbo ngaashi ga li po nale. Osho kape na nande esiku limwe Omuluudhe ta yogo metale limwe nOmutiligane. Epangelo ndika olya owala limwe lya faathana naandjoka lya li mu Rhodesia lya Jan Smith na Abel Muzorewa ndjoka lyopomunkulo ngaashi Omwiingilisa e li ithana ta ti: "The so-called Unilateral Declaration of Independence - U.D.I".

Omusita K. Ndjoba ngoka a li omupresidente gwo DTA, ina mona ompito yokumona iilonga moholomende (mepangelo) ya DTA nokwa henunwa mo nomukalo q-muwana. Okwa zi mo nokwa galukike kOwambo. Pehala lye opwa tulwa omusa-

mane Peter Kalangula ngu e li nena koshipundi.

Mokugalukila kOwambo, omusita Ndjoba okwa tidha Kalangula muunisteli woshikandjo shelongo mepangelo lyOwambo. Ndele ehogololo lyondondo yopevi "Local government" sho lya ningwa mOwambo, Ndjoba okwa kana mehogololo ndika naKalangula okwa hogololwa ongoministeli yotango yepangelo lyOwambo nomupeha gwe oFrans lindongo. Ndjoba ngashingika omuntu gowala.

Ben Africa naFanuel Kozonguizi:

Aalumentu mbaka yaali oyo aniwa aapopi yetu kombanda yomafuta, ihe nando oshi li ngeyi:

- 1) aalumentu mbaka kaya enda mo mOwambo moka mu na omapiyagano ogendji. Ndele nge kaye ya mo, kombanda yomafuta ohaa fala ko omahokololo gashike ano?
- 2) opolotika yaalumentu mbaka oyo-pauhwanga (political prostitutes) sho ye tonde iigwana yimwe noye hole po ashike iigwana iikwawo.

Ben Africa oye gumwe ngu etonde Aawambo. Olwindji oha popi Aawambo neyi nge a hala okupopya SWAPO. Shika osha holoka moonkundathana dhaAfrica mo-Radio ya FM momasiku 26 Novomba 1980 moka a nyanununa neyi oshigwana shAawambo.

Omusasane Dirk Mudge ngoka e li omunashipundi shoongonga (oongundu) adhihe noku li wo Oministeli yotango muNamibia, oye omulumentu gwiikolokoloksha. Aalanduli yaMudge (Aatiligane) yopaati ye oRepublikein (The so-called Republicein supporters) oyo taa pangele omahala agehe omanene noga simana mepangelo oyo tuu ndika.

Aaluudhe nehge ndi tye aakwatelikomeho yetu Aaluudhe ohaa longithwa ashike pakufala oonkundana kiigwana yawo, omanka aatiligane ya tegelela ike shoka tashi zi kiigwana yaAaluudhe, opo shi kundathane mo. Omukalo nguka Omwiingilisa okwe gu popi paufupi ta ti: "They are messagers of the White man" nokutya Aaluudhe mbaka oye li ashike oonakutumba yaAatiligane.

MOwambo: Omulanduli gwomusasane Mudge ngoka e lile po oDTA nota kondolola Owambo ayihe nokonima ota tumu omahokololo kOvenduka, oye omusasane Meller. Omukalelipo gwa DTA koKavango nokoKapriivi oye omusasane omuprofesolo Strough nenge Srtouh.

Omusasane Botha nooyakwawo oye omukalelipo gwa DTA mevi lyAadamara, lyAanama nolyAaherero. Epulo oondjoka nduno kutya, emanguluko lyOmuuludhe oli li nduno peni? Shila otwa zi muupika wotango e tatu tulwa muupika uutiyali.

Lucky Bakson Shoopala
P. O. Box 474
OSHAKATI
9000

Reagan nomavigumbo

Aawilikingeleka yatano Aakwaluther yomuAmerika, oya tumine Reagan, omupresidende gwaAmerika ondelekelama, omolwonkundana ndjoka ya holokele moshifop, "The Washington Star" sheti 9 Apilili 1981. Onkundana ndjika otayi ti kutya epangelo lyaReagan otali dhi-ladhila okuninga omakwatathano gopaudipoloma nomavigumbo gomu SA. Omavigumbo ngaka ongaashi Transkei, Bophuthatswana nagalwe.

Mondelekelama yawo oya indile omupresidende Reagan a tumbule montaneho kutya epangelo lye itali ka yalula omamanguluko gomavigumbo ngaka. Oshoka sigo ompaka kape na nande oshilonmgo shimwe muuyuni sha yalula omamanguluko gomavigumbo ga SA.

Aakwaluther tuu mbaka oya li ti Amerika ngele ando oku yalule emanguluko lyopamavigumbo, shika otashi ti ota popile omulandu gwokatongotongo gwepangelo lya Sa SA gu kale po sigo aluhe. Noshilanduli osho enayipalo lyekwatathano pokati kaAmerika niilongo ayihe yaAfrika. Aashaini yondelekelama ndjika oyo:-

Omumbisofi omukuluntu, James Crumley; gwongeleka ya LCA; omumbisofi omukuluntu David Preus gwongeleka ALC; Omupresidende William Kohn gwongeleka AELC, Paulu Wee, amushangandjigwa LWM na John Houck, amushangandjai gwOraata yaAakwaluther muAmerika. Ayehe mbaka oye lile po oopelesenda 95 dhaAakwaluther muAmerika. Aakwaluther muAmerika oye li oomiliyona 8.5.

Ohaku ti vati omukulunhu iho li to kungu. Oshi li nee ngahelipi paife - twa fa hatu li fye tatu kungu - osho ngaho?

OMUKWETU

Oye oshifo shOngeleka Onkwaevaangeli paLuther yomOwambokavango-.

Ohashi nyanyangidhwa mOshinyanyangidho shOngeleka, ELOK, mOniipa.

Omukuluntu gwoshifo omumbisofi K.Dumeni.

Ondando yOmukwetu R2-60 komumvo muAfrica. Kombanda yomafuta R5-00. Omambesitelo naga tumwe kOmukwetu.

Ev. Luth. Owambokavango Church Press
Private Bag 2013 ONDANGWA 9000